

**Bosna i Hercegovina**  
**Federacija Bosne i Hercegovine**  
**Bosansko – podrinjski kanton Goražde**  
**MINISTARSTVO ZA FINANSIJE**

# ***P R A V I L N I K***

*o izmjenama i dopunama Pravilnika o unutrašnjoj organizaciji i  
sistematizaciji radnih mjesta u Ministarstvu za finansije  
Bosansko – podrinjskog kantona Goražde*

**Goražde, maj 2007.godine.**

Na osnovu člana 52. stav 1. Zakona o organizaciji organa uprave u Federaciji Bosne i Hercegovine (“Službene novine Federacije Bosne i Hercegovine“ broj: 35/05), Ministar za finansije uz saglasnost Vlade Bosansko-podrinjskog kantona Goražde **d o n o s i :**

## ***P R A V I L N I K***

### **o izmjenama i dopunama Pravilnika o unutrašnjoj organizaciji i sistematizaciji radnih mjesta u Ministarstvu za finansije Bosansko podrinjskog kantona Goražde**

#### **Član 1.**

Ovim Pravilnikom u skladu sa Zakonom o državnoj službi u Federaciji Bosne i Hercegovine (“Službene novine Federacije BiH “ broj: 29/03,23/04,39/04,54/04,67/05 i 8/06 ), Zakonom o namještenicima u organima državne službe u Federaciji Bosne i Hercegovine (“Sl.novine Federacije BiH” broj: 49/05), Zakonom o organizaciji organa uprave u Federaciji Bosne i Hercegovine (“Sl.novine Federacije BiH” broj: 35/05), Zakonom o kantonalnim ministarstvima i drugim tijelima Kantonalne uprave Bosansko - podrinjskog kantona Goražde (“Službene novine Bosansko - podrinjskog kantona Goražde” broj: 5/03), Uredbom o poslovima osnovne djelatnosti iz nadležnosti organa državne službe koje obavljaju državni službenici, uvjetima za vršenje tih poslova i ostvarivanju određenih prava iz radnog odnosa (“Sl.novine Federacije BiH” broj: 35/04) i Uredbom o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici (“Sl.novine Federacije BiH” broj: 69/05), utvrđuju se izmjene i dopune Pravilnika o unutrašnjoj organizaciji i sistematizaciji radnih mjesta u Ministarstva za finansije Bosansko-podrinjskog kantona Goražde broj:06-34-341/06 od 20.01.2006. godine odnosno Pravilnika o izmjenama i dopunama Pravilnika o unutrašnjoj organizaciji i sistematizaciji radnih mjesta u Ministarstva za finansije Bosansko-podrinjskog kantona Goražde broj:06-34-3605-1/06 od 19.06.2006. godine.

#### **Član 2.**

Pravilniku o unutrašnjoj organizaciji i sistematizaciji radnih mjesta u Ministarstva za finansije Bosansko-podrinjskog kantona Goražde broj:06-34-341/06 od 20.01.2006. godine odnosno Pravilnika o izmjenama i dopunama Pravilnika o unutrašnjoj organizaciji i sistematizaciji radnih mjesta u Ministarstva za finansije Bosansko-podrinjskog kantona Goražde broj:06-34-3605-1/06 od 19.06.2006. godine se dopunjuje tako što se iza člana 10. dodaje novi član 10.a. koji glasi:

#### **Član 10.a.**

##### **1. Savjetnik Ministra za računovodstvo**

- obavlja najslabije poslove koji se odnose na praćenje stanja i pojava u oblastima računovodstva, te predlaže Ministru mjere za unaprjeđenje u toj oblastima,

- daje stručno mišljenje o pravilnosti rada računovodstva, predlaže Ministru mjere za otklanjanje nepravilnosti i unapjeđenje rada u oblasti računovodstva, te po potrebi i sam radi najsloženije računovodstvene poslove,
- izrađuje po nalogu Ministra, kompleksne analize, izvještaje i stručne materijale iz oblasti računovodstva,
- organizuje i ostvaruje saradnju vezanu za računovodstvene poslove sa drugim kantonalnim ministarstvima, a po nalogu Ministra
- na traženje Ministra daje stručna mišljenja i pruža stručnu pomoć Ministru za sva pitanja iz nadležnosti Ministarstva,
- na traženje Ministra proučava i obrađuje stručne materijale koji se dostavljaju Ministru, informiše ga o istom te daje prijedlog mogućih rješenja,
- na traženje Ministra učestvuje u radu Kolegija Ministarstva za finansije,
- obavlja i druge poslove koje mu odredi Ministar.

STEPEN SLOŽENOSTI POSLOVA: najsloženiji, studijsko-analitički i operativni poslovi  
 USLOVI: - VSS, završen Ekonomski fakultet (VII stepen)

- najmanje 5 godina radnog iskustva u struci
- poznavanje rada na računaru

BROJ IZVRŠILACA: 1

### **Član 3.**

Ovaj Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta u Ministarstvu za finansije bosansko-podrinjskog kantona Goražde stupa na snagu dobijanjem saglasnosti od Vlade Bosansko-podrinjskog kantona Goražde.

**Broj:06-34-3142/07**

**MINISTAR**

**29.05.2007. godine**  
**G O R A Ž D E**

*Muhidin Pleh, dipl.ecc*

**NAPOMENA:** Na ovaj Pravilnik saglasnost je dala Vlada Bosansko-podrinjskog kantona Goražde, na sjednici održanoj 22.05.2007. godine svojim aktom broj 03-34-1020/07 od 22.05.2007. godine.

## **O b r a z l o ž e n j e**

Zakonski osnov za donošenje Pravilnika o unutrašnjoj organizaciji i sistematizaciji radnih mjesta kao i za donošenje Pravilnika o izmjenama i dopunama Pravilnika o unutrašnjoj organizaciji i sistematizaciji radnih mjesta sadržan je u članu 52. stav 1. Zakona o organizaciji organa uprave u Federaciji Bosne i Hercegovine.

Pravilnikom unutrašnjoj organizaciji i sistematizaciji radnih mjesta Ministarstva za finansije predviđeno je 11 radnih mjesta za uposlenike sa visokom stručnom spremom a od navedenih 11 radnih mjesta popunjeno je samo 5 radnih mjesta. Sva predviđena radna mjesta za uposlenike sa visokom stručnom spremom su radna mjesta rukovodećih državnih službenika i državnih sužbenika. Obzirom da konkursna procedura za prijem u radni odnos rukovodećih državnih službenika i državnih službenika traje dugo a imajući u vidu neadekvatnu kadrovsku popunjenost kada su u pitanju uposlenici sa visokom stručnom spremom, potrebno je predvidjeti jedno radno mjesto Savjetnika za računovodstvo kako bi Ministar za finansije imao mogućnost da u kratkom vremenskom periodu barem popunjavanjem te pozicije Savjetnika za računovodstvo ublaži kadrovsku nepopunjenost.